

上饒縣志卷一

星野志

疆畫九州星分九野地理天文協乎上下羲和敬授時驗
中星風雨從好民象斯形曰緯惟五經以四七南斗光凝
是邦占吉志星野

廣信府

入斗七度值星紀之次

上饒縣

天文分野斗牛吳牽牛至越

周禮注

上饒縣志

星野卷一

吳地斗分野今之會稽九江丹陽豫章廬江廣陵六安臨淮

郡盡吳分也

漢書地理志

自南斗十二度至須女七度為星紀於辰在丑吳越分野屬

揚州

費直說周易起斗十度

自張十七度至軫十一度為鶉尾於辰

在巳楚之分野屬荊州

費直起張十三度

魏太史令陳卓及范蠡

鬼谷張良諸葛亮譙周京房張衡並云

晉書天文志

斗牽牛須女吳越揚州九江入斗一度廬江入斗六度豫章

入斗十度會稽入牛一度

吳分會稽立東陽郡其太末信安二縣地今屬廣信府

北斗七星四曰權為時主水其分為吳

宋史天文志

南昌饒州廣信南康建昌撫州臨江吉安瑞州袁州贛州南

安天文斗分野

明志

江西布政司所屬皆斗分

明天文志

揚州管斗吳之分野兼得楚及南越之交

杜佑通典

斗六星二十五度吳分野南昌入斗八度饒州廣信同入七

度分野圖說

宋黃庭堅曰勾吳之樞維斗所值其言與諸史符合玉

山與貴溪同郡而舊屬會稽卽牛女各不相濕占候者

有乙巳丁巳之分焉章世純以信屬麗斗六星二十五

上饒縣志

星野卷一

度週數千餘里不爲分晰則二十八宿分野圖說爲精

矣較然者勿淆渾然者勿鑿故歷證以資博考而歸宿

要莫踰初指焉

貴溪志

占驗附

正月斗建寅日在室一鷄二犬三猪四羊五牛六馬七人八

穀其日晴所主之物育陰則災元宵日初占百果日中晚

稻日入早稻

二月斗建卯日在奎驚蟄雷鳴至本月多雨次月旱妨農

三月斗建辰日在胃三日聽蛙聲午前鳴高田熟午後鳴低

田熟唐詩云田家無五行水旱卜蛙聲

四月斗建巳日在畢立夏日青氣見東南吉否則歲多災立
夏與小滿日宜雨

五月斗建午日在井夏至得雨豐稔之候

六月斗建未日在柳立秋在月晦則旱稻遲

七月斗建申日在軫七夕以前占河影沒三日而復見則穀
賤七日而復見則穀貴

八月斗建酉日在角秋分一日不宜晴中秋月光則無魚雲
重則知次年元宵多雨

上饒縣志

星野
卷一

三

九月斗建戌日在房自一日至九日凡北風則穀價賤以日
占月可知

十月斗建亥日在尾荆楚歲時記天時和暖似春人謂之小
陽春一日宜晴此月宜多雨又云液雨百蟲飲之藏蟄

十一月斗建子日在斗冬至日青雲見於北方吉應來歲豐
稔否則主旱災

十二月斗建丑日在女大小寒多風雪損畜 四季甲子春

甲子雨赤旱千里夏甲子雨播船入市秋甲子雨禾生菽
耳冬甲子雨雪飛千里此唐俚語多驗四季甲申大雨穀

價大貴小雨穀價小貴

按漢書謂陰陽之精其本在地而上發於天郡縣志於分野之星宿詳列占驗雖亦以示人修省然侈言休咎類於讖緯之誣茲不具錄至田間歲時占驗事關民食王政所先古二至之書氛祲三時之紀風雨同此義也詳著於篇

按饒邑山多怪石奇峰層疊當陰雨晦冥之候雲覆山巔輒少開霽而嵐氣布滿城郭邨落矣天下之水皆自西而東惟信水自東而西春夏多南風秋冬多北風所

上饒縣志

星野
卷一

四

在類然而信則多東西風水之異也風亦隨之其地勢爲之乎自春而夏晴日少而雨日多每至經旬累月連綿不止故潮沴之氣較他處特甚自夏而秋則炎酷少雨民之苦旱歲以爲常或偶有過雲倏來倏止雨後復晴反致生蝨秋後多霧曉起不辨街衢冬寒不減中州惟以雪爲瑞雪盛之年兆來歲豐稔而冰雪之在山谷者日霽不消大抵山多水寒使然此氣候稍殊有不容

不誌者

舊志
原跋

按舊志此條於邑氣候殊切其他雜引春秋繁露尙書

璇璣京房易候諸書未免泛而無當矣

欽定授時通考具有成書郡邑志所未詳者自可博稽而通其意非累幅所能盡也

附論

竊惟天文分野以十二次分屬乎十二國其見諸左氏傳者如歲在星紀而淫于元枵患則宋鄭當之歲棄其次而害于烏帑咎則周楚當之皆以分野爲占驗而歷歷不爽其說固有足據者江西爲揚州地屬斗宿分野於次爲星紀於辰在丑國屬吳越列史所紀率皆從同

上饒縣志

星野
卷一

五

同矣然王子安序以南昌爲星分翼軫屬鶉尾之次配乎楚國其殆以江西之境吳頭楚尾上鄰於越之浙地者則爲吳頭而下近于荆之衡陽者則爲楚尾乎是其復言牛斗之墟者亦未可以南北兩岐議之也第吳楚皆爲南境而星紀斗宿位乎北方洪容齋嘗言十二國分野上屬二十八宿其爲義多不然甚不可曉者如媿嘗爲衛分野屬并州衛乃冀州所部於并州了不相干實沈爲魏分野屬益州魏分晉得河內河東地於益州亦不相干謬亂如此蓋蔽於天而不知地者乎至如

吳越南而星紀在丑其方相反而宿相屬更有不可曉者唐一行僧謂分野有山河脈絡之兩界雲漢升沈之四維審而識之可以見其相配鄭夾滌獨取此說其言子月一陽生雲漢漸降交于元枵當北河之南故爲青徐負海之國丑月及艮維交星紀趨于下流百川歸焉故爲揚州爲吳越則江西爲斗分野是固有可參而合之者而信州地原越境其屬乎斗宿也明矣若夫災祥休咎之應則鄭子產天道遠人道邇之一言以及揚子雲在德不在星之語足以蔽之矣欽惟

上饒縣志

星野
卷一

六

皇上御極初元七政獻瑞璧合珠聯誠古今難遇之嘉祥爲史冊所希之泰運乃

聖德淵冲不矜符瑞

諭以事天之道遇儆則當思修省徵祥則益勵寅恭而以賢才爲寶豐年爲瑞孜孜焉圖上理而迓天休

聖謨洋洋誠崇實黜華之至意而爲萬世垂建極敷言之彙訓也生斯世者不長慶星陳之爛而幸依斗極之光也哉